

名宦二
人物一

湖南全省掌故備考
西

人名
物名
一二

湖南全省軍政備覽
四

湖南李官掌故備攷卷二十七

名宦二

元

阿里游牙世祖時行省古丞與伯顏破潭州安撫李芾自殺諸將欲
屠之曰是州生齒數百萬若悉殺之非上諭伯顏以曹彬不殺意
也發倉廩以賑饑田租茶稅悉免之

賈居貞獲鹿人事世祖潛邸從平宋有功累遷湖廣行中書省事弛
湖蕞禁聽民漁牧

劉國傑安真人湖廣左丞湖南盜李萬詹一仔倡亂三兵討之降其
眾或請坑之國傑曰多殺不可況殺降耶相地置屯遷其眾耕其

中永州賊寇全州破平之制畫周密諸惡不能復寇卒封齊國公
諡武宣

制宜澤州人至元中遷湖廣行省參知政事除湖廣行樞密副使
湖南地闊遠郡寇依險出沒制宜率偏師徇廬陵永新獲首賊及
其黨皆殺之茶鄉譚計龍者聚惡少年匿兵器爲奸旣捕獲其家
納賂以緩獄事制宜悉以勞重斬計龍於市自是湖以南無復盜
賊

楊惟中宏州人太宗時請立周愷頤祠建太極書院延趙復王粹等
講授其中遂通聖賢學慨然欲以道濟天下世祖總統東師奏爲
江淮荆湖南北路宣撫使俾建行臺以先啟行宣布恩信

賈文備祁州人至元十一年從阿里海牙至潭州官鋒鏑礮傷右手
流矢中左臂攻戰愈急宋臣李芾死之城降加昭武大將軍守潭
州十四年衡永郴等郡寇發文備悉討平之加湖南道宣慰使二
十三年改湖廣行省參知政事

趙世延雲中人至元中出僉湖北道肅政廉司事修澧陽縣壞隄
嚴常澧掠賣良民之禁部內晏然

張雄飛臨沂人澧州安撫時州初下民懷反側雄飛宣布德教民心
大安細民乏食聚發富家粟有司欲依盜論竟寬其獄全活百餘
郭昂彭德人沅州安撫同知招降谿洞八十餘棚復新化安仁二縣
擒劇賊張虎降其眾悉使歸農

張庭瑞授敘州等處蠻夷部宣撫使改潭州路總管時湖廣行省臣
方剝民爲功庭瑞知不可拒乃辭歸

樊炳永州總管爲政廉明興學校毀淫祠八百餘區驅巫祝以代民
役任滿除湖南宣慰副都

李秉彝大都人由涪州總管徙常德正江泛溢立堤墾以制湍浪民
免墊溺官種柑橘五百株代民貢歲歉黜同僚議不俟命開倉救
饑者武陵人立碑以頌遺愛

倪德政蘇州人至元間以常德路總管兼尹事朝廷命造戰艦二百
艘仍令運餉德政委官輦材於所產造舟如數又私僱賈人巨艘
以運餉事集而人不告勞

趙宏偉潁川人至元中爲衛州路治中羣盜出沒其境宏偉計興屯田民皆足食盜亦爲農郡遂甯謐

許熙載湯陰人知長沙縣設義學訓諸生旣沒而諸生思之立東岡書院朝廷賜額設官以爲育才之地

李忠潁州人益陽縣尹廉能愛民建五賢祠旣去縣人立石學旁以紀其政

燕公相建昌人成宗時遷湖廣行省右丞轉運司判官唐申家沅州豪奪民田公相正其罪

張思敬洛陽人知澧陵州勸農修學橋梁道路建理一新

宣差越烈大德中石門縣尹盡心民事修天門橋浚卓錫泉置曲水

流觴區增勝概

陳敬大德中綏甯主簿開風門山路以達武岡至今便之

王都中郴州路總管郡居楚上流自獠往來民間憚其強猾都中待以恩信乃皆悅服俗喜爭鬪都中大治學舍作籩豆笙磬使民識禮樂之器延賓儒教學其中以禮義開曉之俗爲之變

楊處仁冠州人知湘鄉州停荒田稅興學勸農流民復業

謝端遂甯人同知湘陰州事猾吏束手不敢舞文法豪民無賴者遠避去部使者行部旁部滯訟皆委端讞端剖決如流績譽藉然

汪澤民婺源人延祐初同知岳州平江州事民李氏以貲雄其弟死妻誓不他適兄利其財嗾族人誣以姦事獄成而澤民至察其枉

爲直之南則近敬江南包垠府檄澤民分辨民不擾而事集

按攤不花蒙古人平江州判官以教化爲先務葺忠孝祠修上公亭

築成州志有功文獻

李希賢奉天人臨武縣尹愛民禮士善聽斷常語人曰君子學道則
愛人祇此愛人便能生明生斷邑人立石頌之

虞槃亡壽人除湘鄉州判官有富民殺人使隸已者坐之槃署殺人
者死而坐者得以不冤有巫稱神降告人曰某方火卽火又曰明
日某方火告者數十槃皆赴救寢食盡廢巫人曰將有大水且兵
至州大家皆盡室逃槃得劫火率一人訛之盡得巫黨所爲坐捕
盜司召巫至鞠之盡得黨羽數十人羅絡內外將爲變槃乃斷巫

並其黨如法一時吏民始服儒者爲政若此

李有平陽人尹華容書廉慎公勤恕五字於壁復尹臨湘有惠政
小雲失海牙阿里海牙孫初襲父官鎮永州御軍極嚴猛行伍肅然
暇輒投壺雅歌意所暢適不爲形迹所拘至正十二年爲湖南元
帥副使湘陰賊陷寶慶路海牙復之

罕馬魯丁至正中任寶慶路達魯花赤加意文教率同知忻都修學
宮置祭器重建尊經閣購經史數千卷藏之

林興祖羅源人道州總管永明徭叛手榜諭之賊皆曰林總管廉而
愛民不可犯也三年不入境春旱蟲食麥苗禱之大雨蟲死

柳不恭武岡路總管元季亂聚義兵控制蠻獠邊防賴之民頌曰前

自公綽武岡父母今之郡侯毋乃其後足我衣食安我田畝我子
我孫與公同久

史秉彝衡州路推官與庠序復侵田歲荒賑飢士民其德
聶柄江夏人元統初授寶慶路推官會同猺寇邊湖廣行省石丞禿
赤統兵討之屯於武岡以炳攝分省理問官悍卒所至掠民爲仁
炳言於丞赤釋其無驗者數千人

劉秉彝寶慶路教授請於達魯花赤罕馬魯丁與屬縣學而與字正
實道翁學錄何憲董其役工成宣慰使趙淇爲之記

王彪知湘鄉州撫矜寡抑彊禦民畏而愛之廉介之名震於湖湘
苗益知龍陽州歲饑飢溺寇優掠益請於朝以所受宣命貸鈔三十

餘錠賑濟後擢常德路總管

楊晉孫新淦人湘鄉州判官廉明果斷心有愛民公餘閉戶讀書人稱儒吏

趙忠衡山令政急所先南嶽書院圯壞竭力修復

王頌安仁縣尹修清溪書院立進士題名碑作興士類

田德明餘姚人麻陽主簿崑崙亂邑無城郭率弟德興練民兵萬餘百戰禦之修復縣治招集殘民以續授縣令

哈珊常德郡監有善政每歲運輸民艱於肩荷乃從北門外至潛水十五里開河以便之歲旱復得以溉田民甚利賴

王景克汴梁人瀘溪縣尹以信待物以勤集事興學校化夷俗境內

安輯

凌茂翁吉安人安鄉縣尹講其理學有五經注解

明

鄧愈虹縣人湖廣行省平章與元帥吳復討辰澧諸蠻平四十八峯楊璟合肥人湖廣行省平章與胡海以永州敗元兵於東鄉克永寶諸郡縣慈利士官覃皇亂率師討平之

胡海定遠人寶慶指揮增埤濬臣兵民欣服葺益陽城壘遂畱鎮心平章楊璟收復永州諸郡復從吳良討平武岡蠻嶺推大都督吳良洪武初鎮寶慶築武掬城帥指揮胡海討銅鼓諸蠻降其眾使

復業

湖南全省志卷之三
六
端復初溧水人洪武五年爲湖廣參政令民來歸者復其賦一年流
亡畢集以治辨聞

詹彥中臨淮人辰沅蠻反太祖命守辰州創衛所浚城池處置得宜
蠻帖服

虞誠吳人知永州以正直得民勅修府治及壇宇祠廟不勞而事集
張子俊洪武初知常德府興學延師選俊秀入學教育之舉鄉飲酒
禮使民知禮義

錢夢松龍游人洪武中常德府同知修治堤圍剝操版築郡人德之
立祠堤上

楊景雲南人判豐州有卒失牛証民吳姓牛爲盜景疑之遣人縱牛

歸牛經卒門不入奔民家遂正卒罪

史希資無爲烟人知瀏陽縣開荆邑治興建學校邑人立祠祀之

莫玉棗陽人棋武利知湘潭縣時始改州爲一切草創玉招流亡

增賦口盡瘁而事理

朱訓徐州人知湘潭縣性廉介門無私謁縣有虎患民欲設室詔曰
猛獸害人令之通也惟修德以弭之耳未幾虎遁去

田俊知益陽縣七經元末兵燹規制蕩然俊建治立學稽田編定民
效流亡盡復

游源善江西人洪武初知安仁縣時新設縣治源勤政事刑民用熟
鹿皮爲鞭使民知愧民愛敬之

成安河南人洪武中知茶陵州當州初附曰齊以恩威民志乃定
余鐸池州人初任安仁主簿邑有流亡迎負鐸奏撥茶陵屯糧等補
民稍安集任滿當代父老詣闕乞留遷知本縣益多惠政

陳福山同安人知零陵縣居官清謹修築堰塘溉田二百餘頃民賴
其利號曰陳公堰

唐吉祥歙縣人知祁陽考績爲天下最賜宴禮部擢工部主事

吉嶽洪武中知東安縣時縣治公舍並爲尙寶所毀嶽首先安集以
其次興創民爭趨事

史亦慶知甯遠縣修葺縣治招撫流移雖有小警市不易肆

武功人知邵陽愛民訓士重建縣學人稱儒吏

馬傑洪武中知臨湘縣奏除荒田絕糧之累民者共二萬五千有奇
民德之

陳尙明洪武中知長谿縣七舊分五十八里用少役繁重爲民目尙
明奏請歸併民永賴之

杜堅洪武初知興甯縣時當草創城市榛無堅至削除草萊招集離
畔百廢具畢

李觀魏人知安鄉勤政事善撫綏流民復業者王百餘戶

吳申歸安人知安鄉縣嘗親行阡陌作歌勸農民手力穡

賈元凱樂安人知臨武亂後結茅聽政招遺黎闢荒五外緩兵役內
撫瘡痍境獲安堵秩滿遂家焉